

DRINGÄND: Nala & Mo, 8j.



suechet zäme äs nöies Daheime mit Freigang ufm Land

Liebi Tierfründe

Wie geit's? Guet? Schön, üs leidr grad (no) nid so. Es isch eso, mir sy ganz dringänd uf dr Suechi nach eme nöie Daheime. Warum? Üses liebs Froueli isch verschtorbe. Mir wärde itze no es Ziitlang vo di Nachbare versorget, abr das geit nid uf Duur. U mir hättet doch so gärn wiedr e eigene Mönsch, nur für üs. Mir hei ghört, dass scho viu Büsis übr so ene Wunschzettle hei chönne es toues Daheime finde, u itze wönnt mir das ou probiere. Drum!

Mi sy Gschwüschterti, d'häui Tricolor, das bin ig, d'Nala. U dr Tigr, das bin ig, dr Mo. Mir sy 8jährig, kaschtriert, grundimmunisiert, chippet, gsung u schtuberein. U mir wönnt unbedingt zäme bliieb. Üse Hobbies sy Schmüsele u Freigang Gnüsse, ländlech, mir chenne's nid andersch. Mir sy ganz samfti, ruhigi u fiinfühligi Chatzlis. Zwöi ganz liebi. D'Nala isch die Schüchterneri vo üs, sy bruucht Ziit zum Aachoh u Vertroue Fasse, abr es chunnt denn scho. Houptsach, ig, dr Mo, bi i bi ihre. Ig bschütze sy. Ig bi nämlech so gar nid schüech, im Gägeteil, ig bi en kontaktfreidige u fröhliche Chatr u schtah gärn im Mittupunkt.

Mir sueche unbedingt zäme es Daheime bi liebi Lüüt, die wo üs uf Läbensziit wönnt verwöhne. U die wo üs Freigang i ländlecher Umgäbig chönnt biete, durch's Törli düre. Fäuder u Wiese, das isch üseri Wäut, dört fühlle mir üs wou. Abr chei Angscht, mir schtröine nid, mir sy ou gärn daheime bi üsem Mönsch. Hung u Ching chenne u wönnt mir nid, ou angeri Chatze im Huushaut, das muess nid sy. Mir sy z'friede so allei zu zwöit. Was meinsch, suechsch Du zwöi liebi uuchomplizierti Chatzlis us Mitbewohner? Wohnsch Du verkehrtsarm, ir schpannende Gägend, villiicht a eme Ortsrand? U hesch Du Geduud zum d'Nala z'Igwöhne? Viu Wunsch, gäu? U das, obwou Wiihnachte scho düre isch. Abr das wär' s! Denn müesst mir üs unbedingt lehre chenne. Mir wohne derziit no z'Werthenstein/LU, züggle abr gärn zu Dir, wo ou immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs däs nöii Plätzli. Üs pressiert's es bitzeli, chunn'sch Du üs ganz baud emou bsueche?

Dini Nala & Mo



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch